

'A SACRA FAMIGGHJIA

Dicija Santa Tiresa 'e sò figghjole :

*"Si grazzi di' celi vuliti aviri
a' San Giuseppi annati 'a prigari,
chi iddu 'i sicuru vi po' jjutari".*

Gesù Cristu era figghjiu 'i Diu
ma Giuseppi 'nta sta terra u' criscivu,
l'arti i' falignami ci 'nsegnavu,
du' firuci Erodi u' prutiggivu
e in sarvamento nta 'l'Egittu su puttavu.

Nta tutti i' travagghji chi faccia
Gesù primurusu so patri jjutava
e Giuseppi cu' ducizza u' cumannava :

*"Pigghjimi l'accetta, no ti siddiari,
e quannu ti sbrighi 'a codda aji a' prepararari
chi nu tavuluni ajiu 'a ncuddari,
ca poi finennu annamu a' manciari".*

Suttumessu, 'bbidenti, Gesù beddu
faccia tuttu chiddu chi avjia 'a ffari
sutta 'llochhji biniditti 'i sò matri
chi mentri cucjia tuttu su' vaddava.

Quannu Giuseppi lassavu stu munnu
nto celu nu postu d'oru si trovavu
chi u' Patri Etennu ci avjia preparatu.

Ora Gesù nto Santu Paradisu
a' San Giuseppi tuttu ci cuncedi :
qualunqui cosa u' sò custodi chedi,
cià dugna, subitusubitu, su du' pedi,
picchè sempri ristavu 'a iddu 'bbidienti.

23 Marzo 2012

G. M.

